

JUANGC LAENGZ BENX LORQC DOIH WAAC

Juangc laengz benx lorqc doih waac se zeiz haaix nyungc jauv-louc

Juangc laengz benx lorqc doih waac se zeiz dongh meih aengx caux hung-bung deic-jei ze'weic gorn domh nzoih lorqc hnyouv buatc longx gorngv taux naaiv deix ziux goux zorc baengc jauv-louc. Meih nyei lorqc doih sou oix zuqc fiev njiec benx sou-nzangc bun mangc gorngv taux ninh mbuo hung-bung deic-jei ze'weic gorn duqv corngh dunz nyei waac gorngv:

- Zanv tuiz zoqc njiec, tiuv yienc a'fai dingh njiec naaiv diuc ziux goux zorc baengc jauv-louc yiem njiec goux meih ndoqc laanh kou-gong gorn (IPP)
- Ngaengc nzuih mv laengz tengx ziux goux benx siang-jauv-louc dongh meih nyunc duqv nyei buonc

Oix zuqc fungc hnangv haaix zoux beiv taux meih aengx caux hung-bung deic jei ze'weic gorn gorngv mv lorqc doih

Haaix zanc dongh meih caux hung-bung deic jei ze'weic gorn maiv haih gorngv maiv ndortv ndoqv nyei ziangh hoc, ninh mbuo hung-bung deic-jei oix zuqc tih benx mengh fiexn mbuox heuc njiec buoz zoux nyei gong. (NOA). Naaiv zeiv NOA se mbuox yietv nyeic meih duqv hiuv gorngv ninh mbuo hung-bung deic-jei ze'weic gorn duqv corngh dunz cuotv nyei waac. Ninh corc duqv mbuox meih hiuv taux maaih haaix nyungc ze'buonc leiz beu bun meih lorx weic faan sic.

Yietv nyeic jauv-louc dongh hung-bung deic-jei ze'weic gorn bun mangc taux zoux maaih juangc laengz benx lorqc doih waac sou-daan

Zoux duqv maaih juangc laengz benx lorqc doih waac dongh haaix zanc:

- Meih duqv njiec mbuoz bieqc IPP yiem njiec cai bun tiuv yienc siang a'fai benx ngaengc nzuih nyei buonc. IPP oix zuqc faan benx dongh meih nyunc duqv gorngv benx haaix fingz waac.
- Meih duqv bieqc mbuoz yiem tengx nzie weih ziux goux mbuoz-daan yiem cai bun tiuv yienc siang a'fai ngaengc nzuih nyei buonc. Naaiv ziux goux zorc baengc mbuoz-daan oix zuqc faan benx dongh meih nyunc duqv gorngv benx haaix fingz waac.
- Meih duqv fiev fiexn juix bun hung-bung deic-jei ze'weic gorn gorngv meih lorqc doih caux ninh mbuo dingc waac cuotv gorngv bun tiuv yienc siang a'fai ngaengc nzuih yiem ziux goux zorc baengc gong. Naaiv deix sou-nzangc se benx fiev yiem email a'fai benx fiexn a'fai da'nyeic nyungc sou yaac duqv.

Yietv nyeic jauv-louc liouh dongh haaix zanc buatc maiv maaih fiev benx juangc laengz lorqc doih waac bun mangc

Se gorngv maiv buatc maaih juangc gorngv benx laengz benx lorqc doih waac sou-gorn nor ninh mbuo hung-bung deic jei gorn zangc se haih:

- Juix fiexn mbuox meih hiuv gorngv wueic haaix nyungc jauv-louc ninh mbuo hung-bung deic-jei ze'weic gorn sienv gorngv meih lorqc doih caux ninh mbuo dingc

waac cuotv wuov mi'aqc. Naaiv se heuc benx ziepc zuoqv laangh fim douc fienx mbuox.

- Juix naaiv zeiv tih mengh fienx mbuox heuc njiec buoz zoux nyei gong (NOA)

Naaiv zeiv ziepc zuoqv laangh fim douc fienx mbuox oix zuqc an nozih aac-fienx

Naaiv zeiv ziepc zuoqv laangh fim douc fienx mbuox oix zuqc juix bun yiem njiec 5 norm zoux gong hnoi bouc dauh dongh haaix norm hnoi-nyieqc hung-bung deic-jei ze'weic gorn sienx gorngv meih doiz-dongh wuov funx daaih.

Naaiv zeiv ziepc zuoqv laangh fim douc fienx mbuox oix zuqc an nzoih:

- Zien kv waac bun mangc gorngv ninh mbuo hung-bung deic-jei ze'weic gorn ei bangc haaix nyungc jauv-louc cingx sienx gorngv meih lorqc doih mi'aqc.
- Ninh mbuo hung-bung deic-jei ze'weic gorn liuc leiz mbenc njiec buoz zoux nyei gong
- Wueix laaix haaix nyungc cingx njiec buoz zoux naaiv diuc gong
- Waac-fienx mbuox taux yietv nyeic jauv-louc liouh lork weic faan sic
- Waac-fienx mbuox gorngv taux hnangv haaix gorngv dongh meih maiv nyunc duqv wuov
- Hnangv haaix zipv benx da'nyeic nyungc waac-fienx mbuox taox yietv nyeic jauv-louc liouh lork weic faan sic, aengx caux
- Zeiv-daan liouh zoux sou tov lork weic faan sic

Naaiv fienx se oix zuqc faan benx dongh meih nyunc duqv gorngv benx haaix fingz waac.

Beiv taux meih mbuox ninh mbuo hung-bung deic-jei ze'weic gorn gorngv meih maiv lorqc doih nor, ninh mbuo oix zuqc juix NOA bun meih.

Mbenc nzoih tengx nzie:

- Meih nyei dengv gong baeng bieiv mienh ziux gouz zorc baengc gong a'fai da'nyeic laanh mienh yiem hung-bung deic-jei ze'weic gorn se haih tengx nzie duqv. Ninh mbuo corc haih tengx porv cing naaiv zeiv ziepc zuoqv laangh fim douc fienx mbuox a'fai NOA bun muangx. Ninh mbuo corc haih zoux sou fungx meih mingh bun ga'hlen mienh a'fai gong-gorn dongh haih tengx nzie meih wuov.
- Naaiv norm ze'weic Ombudsperson se yiem tengx nzie weih ziux gouz zorc baengc nyei gorn corc haih tengx porv cing naaiv zeiv ziepc zuoqv laangh fim douc fienx mbuox a'fai NOA bun muangx. Beiv taux meih gorngv maiv doiz-dongh liuz, ninh mbuo corc haih caux meih ca'laangh tengx za'eiz gorngv sienv longc haaix nyungc jauv-louc bun muangx. Ombudsperson corc haih tengx dorh waac-fienx bun meih hiuv taux ze'buonc leiz beu bun meih lork weic faan sic. Meih corc haih lork buangh taux Ombudsperson yiem naaiv: (877) 658-9731 a'fai Ombudsperson@dds.ca.gov
- Ninh mbuo beu ze'buonc leiz bun zipv fu'loqc mienh yiem njiec buonv-deic (CRA) yiem njiec (800) 390-7032 yiem California hungz zuqc mbu'hnoi-cuotv bung a'fai

(866) 833-6712 yiem California hungz zuqc mbu'hnoi ndortv bung. Meih nyei CRA corc haih tengx njiaaux bun meih bieqc hnyouv taux laengz waac nyei fienx a'fai NOA. Ninh mbuo corc zoiz haih dorh waac-fienx mbuox gorngv taux haaix nyungc jauv-louc bun meih sienv. CRA haih tengx nzie bun meih dunz dingc-torqv waac liouh zoux bieqc da'nyeic mbieqc gong.